

# Hè tempu d'arti

Les étudiants «artistes» de l'université se sont organisés en association : ainsi est né le tempu d'arte». Régulièrement ils dressent leurs tréteaux à l'enseigne «Chez Julien» pour une soirée «café-théâtre». Doria et Bernardu Pazzoni leur apportent une aide musicale et artistique. Doria nous envoie ces quelques lignes et un instantané de la dernière représentation.

A vita si sgranidda à fiancu à li guai. In ghjuventù alzata, in ghjuventù purtata, a bandera di lu tribbiu ùn hè più. Insempi adduniti intornu à l'associu *Hè Tempu d'Arti*, i studenti di l'arti di u spittaculu, certi studenti in Biguglia è di l'IUT oghji ugnintantu facini veda chi essa hè dinò festighjà.

L'università di Corti t'hà allargatu a so furmazioni à l'arti è quissa apri un'antra strada à l'avvena...

«Seri sera mani seretta  
À tè u curcone, à mè una fetta  
Seri sera seriola  
Nè bastone, nè paghjola  
Nè farina macinata  
Per facci una spulendata...»



Ghjeiu mi ni ralegru chì sò tantu più cuntenta d'avè rimpatriatu u campu di i tiatrini, suitendu i stondi di tiatru à u Centru Culturali di l'Università. Dipoi uttrovi, trè festi sò stati ufferti à Curtinesi. Trè tema scelti : una sirata «cabaret», l'Urienti, è l'America.

Un vi scuraghjiti micca, in l'aria nasci u tema di a Corsica. Deti ci l'asgiu, par piaceri...

U locu asciubaratu senza pritinsioni, «Chez Julien», lascia pinsà chì ci n'hè sempri unu da apra a porta à lu tiatru. Gislain avendu cunniscenza di quista furmazioni, hà prupostu un locu, unu spaziu, una scena pà i tiatrini, è ancu l'amatori. Basta à entra à pusà pà senta u calori di l'artista, u so piaceri di sparta piaceri è parola. Semu quì pà fà festa... Và bè ! intriti puri !

À spassu, volta è ghjira, è boga tondu...

L'associu A Sulana è a pratica di musica (violinu, cetera, urganettu, pivana) di a Funoteca di Corti accumpagnatu da u so rispunsevuli Bernardu Pazzoni, aprinu lu baddu è lu cantu : ci n'hè pà tutti, ancu pà quiddu chì si voli baddà un quadrigliu, è sempri dà una piazza à l'impruvisata...

